

ԱՎԵՏԻՍ ՓԱՓԱԶՅԱՆ

1915 թ. ՄԵԾ ԵՂԵՌԵՒ ՆԱԽԱՇԵՄԻՆ
Կ. ՊՈԼՍՈ ՀԱՅ ՊԱՏՐԻԱՐԺԱՐԱՆԻ ԿՈՂՄԻՑ
ԲԱՐՁՐԱԳՈՒՅՆ ԴՌԱՆԸ ՀՂՎԱԾ ՊԱՇՏՈՆԱԿԱՆ
ԳՐՈՒԹՅԱՆ ՄԱՍԻՆ

(նորաճայտ փաստաթուղթ)

Սրանից մի քանի տարի առաջ, երբ ուսումնասիրում էինք Երեմիայի Արվեստի և գրականության թանգարանում պահվող Գրիգոր Զոհրապի ձեռագրային ֆոնդը, օսմաներեն գրությունների մեջ (հին արաբատա թուրքերեն) մեր ուշադրությունը գրավեց Կ. Պոլսի պատրիարքարանի կողմից Բարձրագույն Դռանը ուղղված մի ուղերձ (laktir):

Այն բաղկացած է 7 էջից, լուսանցքներում կան որոշ ուղղումներ, իսկ վերջում խմբագրական հետևյալ դիտողությունը, տարեթիվ և Գրիգոր Զոհրապի ստորագրությունը:

«Կացությունը կարգավորելու համար անհրաժեշտ է նկատի ունենալ ոչ միայն հայերի, այլև այդ շրջանում բնակվող մյուս հայրենակիցների բարոցության և երջանկության երաշխավորումը հասարակապես:

Զոհրապ (13) 31 (1915 թ.)

Մեզ հայտնի է, որ սովորաբար նման բարձրաոճ բնույթի պաշտոնական գրությունները նախքան Բարձրագույն Դռու ուղարկելը մի վերջին անգամ նայվում և խմբագրվում էր Գրիգոր Զոհրապի կողմից, քանի որ նա գերազանց տիրապետում էր օսմաներեն լեզվին:

Ուղերձի բնագիրը բավականին դժվարությամբ վերծանելուց և ընթերցելուց հետո պարզվեց, որ այն գրված է մեծ եղեռնի նախաշեմին (այդ է վկայում նաև Գրիգոր Զոհրապի կողմից նշված տարեթիվը): Տվյալ ժամանակ պատրիարքարանը նկատի ունենալով

հայության օրհասական ժանր կացությունը դիմում է Բարձրագույն
Դռանը կանխելու համար սպասվող ահավոր վտանգը:

Նշենք, որ այդ ժանր տագնապալի օրերին պատրիարքարանը
թուրքական կառավարութեանն է հղել մի այլ համառոտ շարադրու-
ված գրութիւն ևս: Իր հերթին Գրիգոր Զոհրապը բուռն ջանքեր է
գործադրել կանխելու արևմտահայութեան վրա ծանրացած մեծ վր-
տանդը: Նա անձամբ տեսակցել և խնդրագրեր է ներկայացրել երիտ-
թուրքական ղեկավար գործիչներին՝ կանխելու համար հայերի
դանգվածային կոտորածները: Գրիգոր Զոհրապի կողմից գրված
այդ պաշտոնական գրութիւններից մի քանիսը մենք թարգմանել
և հրատարակել ենք «Գրիգոր Զոհրապի՝ հայոց եղեռնը կանխելու
վերջին հիգեոր» խորագրով հոգւածումս¹:

Արխիվային հրատարակութիւններում վերոհիշյալ սլատրիար-
քարանի կողմից Բարձրագույն Դռանը հղված ուղերձի թարգմանու-
թեանը մենք չենք հանդիպել: Այնպես որ ուղերձի ամբողջական
թարգմանութիւնը անհրաժեշտ ծանոթագրութիւններով հայ ընթեր-
ցողին է ներկայացվում առաջին անգամ:

Մենք համոզված ենք, որ սույն գրութեան մաքրագրված օրի-
նակը պետք է գտնվի Թուրքիայի պետական արխիվներում:

Բնականաբար ուղերձը մեկնաբանութեան կարիք չունի, որով-
հետև բովանդակութիւնից կարելի է կռահել թե այդ ժամանակ ինչ-
պիսի ահավոր վտանգի առաջ է կանգնած եղել արևմտահայութիւ-
նը: Այդ տեսակետից սույն գրութիւնը հույժ կարևոր է և հրա-
տապ, քանի որ մեր օրերում թուրքական պատմագրութիւնը և պե-
տական գործիչները աշխատում են ամեն կերպ խեղաթյուրել և ա-
ղավաղել 1915 թ. հայերի ցեղասպանութիւնը:

ՆՈՐԻՆ ՄԵՇՈՒԹՅՈՒՆ ԵՊԱՐԳՈՍՈՒԹՅԱՆ²

ԱՂՈԹՈՂԻՍ ԽՆԴՐԱՆՔԸ

Հայերով բնակեցված օսմանյան նահանգներից եկող լուրերը
ցույց են տալիս, որ կյանքի, ունեցվածքի և պատվի ապահովութիւ-
նը վերացել է, և վտանգավոր իրավիճակը գնալով առ ավելի վատ-
թարացել: Այս առթիվ Պատրիարքարանի կողմից Բարձրագույն
Դռանը ուղղված խնդրագրերը³ մի գործնական արդյունք չեն տվել.
և նույնիսկ այս վերջին օրերին կանգնած ենք մի նոր վրահաս վր-
տանդի վախի առաջ: Դարերից ի վեր իմ հավատացյալ աղդին ա-

վանդական էր դարձել տւեապես հանդես բերելու իր հավատարմությունը՝ բարձր սուլթանությանը։ Ուստի, կրկին անհրաժեշտ ենք գտնում Ձերդ մսն մեղիրության ուշադրությունը բեռել հետևյալին։

Ձերդ մսնմափայլ մեղիրությանը հայտնի է, թե նախկին վեհադատի՝ ժամանակ ինչպիսի անտեղի կեղեքման ենթարկվեց իմ պատրիարքության⁵ հովանու տակ գտնվող հայ ժողովուրդը։

Ամբողջ աշխարհին հայտնի է և ճշմարտութուն, որ սահմանադրության⁶ հռչակումով իմ հավատացյալ ժողովուրդը ինչպիսի գործնական նվիրավածութուն է հանդես բերել կառավարության ամեն մի նախաձեռնութունը կյանքի կոչելու խնդրում, և ինչ աստիճանի ջանքեր է գործադրել մահմեդական ազգերի հետ կապերը ամրացնելու և եղբայրությունը պահպանելու համար։

Պատգամավորների մեջլիսի⁷ բացման ընթացքում հայերի պահանջով է կիրառվել զինվորական ծառայութունը։ Իսկ ներկա պատերազմում հրամանատարների ղեկուցադրերով ևս հաստատվում է, թե հայերը հայրենիքի համար իրենց զինվորական պարտքը ինչպիսի անձնվիրությամբ են կատարել և շատերն էլ ինչպիսի մարտիրոսությամբ զոհվել։

Բոլոր գործերի դյուրացման խնդրում հայ ժողովուրդը իր նըդաստը բերելով՝ ամենայն ճշմարտությամբ կատարել է իր բոլոր պարտականությունները։

Հայ ժողովուրդը լափազանց վշտացած է օսմանյան պետության և ժողովրդի գլխին եկած այս աղետից⁸ և պատրաստ է կատարելու հայրենիքի ապահովության և փրկության համար իր վրա ընկած Դարևոր պարտականությունները։ Այդ ուղղությամբ կառավարության ձեռնարկած նախաձեռնությունները կատարելով հանդերձ, մի կողմից հայերով բնակեցված օսմանյան նահանգներում հնուց ի վեր գոյատևող անպահովության հարցը պատերազմի թոհուրոհի ընթացքում անուշադրության մատնելը, մյուս կողմից, հայերի կամքից անկախ պատճառներով մահմեդական զգացումների գրգռող գրսեղորումները հանգեցրել են շատ նուրբ և վերին աստիճանի վտանգավոր մի կացության, և նույնիսկ պատրիարքարան հասնող վերջին գրություններում և հեռագրերում մատնանշվում են մի շարք զլայրերում տեգի ունեցած կոտորածների մասին։

Այս խնդրի վերաբերյալ տարբեր ժամանակներում Բարձրա-

գույն Դռանը հղված թաքրիրների ամփոփագրերը ներկայացվել են նաև Զերդ վսեմ վեզիրության ապավինությանը:

Այս մղձավանջային պահին ժողովուրդն էլ սխալ մեկնաբանություններին հավատք ընծայելով՝ կասկածի տակ է առնում իր հայ հայրենակիցների հավատարմությունը և նրանում տեսնում վատ մտադրությունների առկայությունը: Մի խոսքով, իրականում ոչ մի պատճառ և հանցանշան չլինելով, լուրեր են տարածվում, որ իբր հայերը կոտորելու են մահմեդականներին: Իսկ մյուս կողմից, անցյալում տեղի ունեցած դեպքերի նման, իսլամի սրբությունները չհարգելու ստապատիր հորդորանքներով, լուրեր են տարածում հայերին կոտորելու մասին: Նման հայտարարությունների նկատմամբ հայերի՝ ինքնապաշտպանությունից բացի այլ ելք չունենալով ինչ-որ միջոցների դիմելը ապստամբության որակավորում է ստանում, որը նույնպես հաստատվում է անցյալում տեղի ունեցած զարհուրելի դեպքերով:

Տարբեր նահանգների կրոնական առաջնորդներից, թեմերից և ընդհանրապես առանձին հայերից պատրիարքարան հասած լուրերը ցույց են տալիս, որ այսօր կրկին միևնույն վտանգավոր իրավիճակն է տիրում Հիշյալ նահանգներում:

Մի շարք վայրերում, ինչպես օրինակ, Կ. Պոլսի, Անատոլիայի⁹ և Ադանայի կոտորածներին ականատես հայերը, զգուշանում են նկատի ունենալով՝ նույն ողբերգության կրկնվելու հավանականությունը: Փոխանակ բնակչությանը պարզաբանելու պաշտպանության միջոցների դիմելու հանգամանքը, առանձին պաշտոնյաների կողմից այն մատի փաթաթան է դարձվում: Իսկ կառավարությունն էլ հայերի նկատմամբ անվստահություն դրսևորելով և տեղի ունեցող դեպքերի նկատմամբ իր սպասողական դիրքորոշումով ընթացք է տալիս հայերի ընդհանուր հալածանքին, որը առավել ամրապնդում է մահմեդական բնակչության կասկածանքը և յուզ է քսում կոտորած սանձազերծողների հացին: Այնպես որ վտանգը փարատելու փոխարեն առավել բորբոքում են այն:

Ներկա վիճակում անհրաժեշտ է, որ կենտրոնական կառավարությունը զգուշացնի պաշտոնյաներին և բնակչությանը: Օրինակի համար մի ընդհանուր հայտարարության հրապարակումով, առանց տարակուսանքի նշվի հայ ժողովրդի օսմանյան հայրենիքի հանդեպ ունեցած հավատարմության և աշալրջության մասին:

Այսպիսի տազնապալի ժամանակում անհրաժեշտ է չափազանց զգույշ դործել ե. անուշադրության շմատնել նման ապիկար պաշտոնյաներից ձերբազատվելու խնդիրը: Բոլորին հայտնի է, թե վերջերս թուրքական մամուլի ծանուցումները ինչպիսի իրավիճակ ըստեղծեցին հատկապես Ադանայում և Բիթլիսի նահանգներում:

Հայերի դեմ ուղղված այս հալածանքները կանխելու միակ միջոցը, օրենքի համապատասխան հոգվածների կիրառումն է, և նրման խառնակիչների խստադուլն պատժումը: Անցյալի օրինակը ցույց է տալիս, որ նման արտաոոց իրադրության առկայությունը ձեռնտու է միմիայն ավազակներին, որոնք, օգտվելով բնակչության համար ստեղծված այս ծանր կացությունից, զբաղվում են կողպուտով և այլ խայտառակ արարքներով: Հստ Անատոլիայի վիլայեթներից հասնող լուրերի, իբր թե ավազակության մոլեգնումը համարյա թե հանդարտվել է, այնինչ, իրականում, նոր ստացված տեղեկությունները ցույց են տալիս, որ ավազակների կատարած արարքները մնում են անպատիժ, որը և առավել շփացնում է նրանց:

Կառավարությանը ուղղված այսքան հիշեցումներից, առաջարկություններից, հայերի տրտունջքներից և պաղատանքներից հետո, եթե կոտորած տեղի ունենա, ապա դրանում ակնհայտ է դառնում այդ խնդրի թողտվությունը, և օրենքի համաձայն դա համարվում է ոճրագործություններին դիտումնավոր դյուրություն և օժանդակություն ցուցաբերել: Ուստի անհրաժեշտ է մի պաշտոնական հայտաբարություն հրապարակել և որպես հանցագործության մեղսակից պատժել այն պաշտոնյաներին¹¹, որոնց պարտականության մեջ է մտնում անդորրի ապահովումը: Ամենակարևոր խնդիրը, դա անձի անվտանգության պաշտպանությունն է, սակայն կենտրոնական կառավարությունը այդ ուղղությամբ դեռևս մի գործնական քայլ չի ձեռնարկել: Հստ մամուլի հաղորդագրության, միակ նախաձեռնությունը, որ այս անգամ կառավարությունը ձեռնարկեց, դա Ռումելիից¹² վերադարձող ժանդարմներին դեպի հայաբնակ նահանգներ ուղարկելն էր: Մինչդեռ, Ռումելիում այդ ողբերգական դեպքերի զգացմունքային խորը ազդեցության տակ գտնվող ժանդարմներին առանց կարգապահական վիճակը ամրացնելու միանգամից Անատոլիա իւղարկելը, չէր կարող ապահովել կացության կարգավորումը: Այս պարագան հաստատվում է Հաճընում տեղի ունեցած հայտնի դեպքերով: Ադանայի դաժան ողբերգության ամենածանր էջը,

դա պաշտոնյաների նախաձեռնությամբ իբր անդորրը վերահաստատելիս համար Ռումելիից բերված գինվորական միավորումների առաջ բերած իրադրությունն էր:

Ինչպես Ձերդ վսեմ եպարքոսությանն էլ հայտնի է, հայերով բնակեցված նահանգներում շարունակվող անապահովությունից բացի, այսօր մի նոր վտանգ էլ է սպառնում նրանց: Այսինքն՝ հայ ժողովուրդը այս ներկա վտանգավոր վիճակից դժգոհելով հանդերձ, երբ խնդրառու է բարեփոխության գործադրության նկատմամբ, գտնվում է պաշտոնյաների սպառնալիքի ճնշման տակ...¹⁴: Մյուս կողմից ուժասպառ և հուսաբեկ բնակչությունը, նկատելով այս, ձգտում է նախկին իրավիճակի վերականգման, բայց առանց կորցնելու հույսը բարեփոխության հանդեպ:

Ներկայումս խոնարհաբար ծառայելով Աստծուն, վսեմ վեհապետության հանդեպ աղոթողիս պարտականությունն է, գթություն հայցելով պայծառափայլ եպարքոսությունից Ձեր ուշադրությունը հրավիրել հետևյալի վրա:

Օսմանյան կայսրության ամենաաշխատասեր և օրինակալուս ազգը համարվող հայ ժողովրդին այս վտանգներից ասպահովելու խնդիրը բխում է պետության շահերից և մտնում է կառավարության պարտականության մեջ: Հայերով բնակեցված նահանգներում իսկական և հիմնական, ինչպես նաև բոլոր տատանումներից զերծ պահելու համար բարեփոխության անհրաժեշտությունը և գործադրումը պետք է լինի վսեմ կառավարության ուշադրության կենտրոնում:

Չնայած, որ տվյալ բարեփոխության մասին կան այլ մեկնաբանություն տվողներ ևս, սակայն, իրականում այդ բարեփոխությունից օգտվելու են հիշյալ նահանգների բոլոր բնակիչները հավասարապես:

Հետևաբար, նվաստ աղերսում է շուտափույթ կերպով միջոցների ձեռնարկել իր ժողովրդի նյութական և բարոյական ապահովության խնդրում: Այս հարցում...¹⁵

ABOUT THE OFFICIAL DOCUMENT DIRECTED TO THE
SUBLIME PORTE, ON THE EVE OF THE 1915 GENOCIDE
BY THE ARMENIAN PATRIARCHY OF CONSTANTINOPLE:

AVETIS PAPAZYAN

Several years ago, when I was searching Krikor Zohrab's archives at the Museum of Art and Literature in Yerevan, a Turkish manuscript, written in Arabic alphabet, attracted my attention. (Krikor Zohrab was a well-known Armenian writer and politician. He was a deputy in the Turkish Parliament (Mejlis) in 1908—1915). It was an official letter written by the patriarchy of Constantinople, which was directed to the Sublime Porte of the Ottoman Empire.

It consisted of seven pages. There were some corrections in the margins by Krikor Zohrab, a remark at the end, and his signature.

Krikor Zohrab had a great skill with the Ottoman language and he always edited the letters that were written by the patriarchy and directed to the Turkish Government.

In this letter, Archbishop Zaven D. Yeghiayan brought to the surface many facts regarding the killings of the Armenians and of the plundering of their properties. He demanded from the Grand Vezier, Said Pasha, security and protection of Armenians from the danger of Turkish attacks. He also mentioned precursors of the massacres that occurred in the Armenian provinces of the Ottoman Empire. Furthermore, he requested an immediate end to the policy of persecution and harassment.

This crucial document was translated and equipped with commentary by me.

Մ Ա Ն Ո Ք Ա Գ Ր Ո Ւ Ք Յ Ո Ւ Ն Ն Բ

¹ Տե՛ս «Նոր օր» եռօրեայ, նոյեմբեր 30, 1994, էջ 11.

² Բարձրագույն Դուռ, Մեծ վեզիրի պաշտոնատեղին, Տվյալ ժամանակ Մեծ վեզիրի պաշտոնում էր Սայիդ Հալիմ փաշան (1863—1921):

³ Նման խնդրագրեր և պաշտոնական գրություններ հաճախակի էին հղվում Բարձրագույն Դուռնը հատկապես 1909 թ. Ազանայի կոտորածից հետո: Ելնելով հայերի օրհասական ձանր վիճակից, Պատրիարքարանը բազմիցս բանավոր և գրավոր բողոքագրեր է հղել Բարձրագույն Դուռնը, որտեղ փաստացի տվյալներով հայտնվում էր տեղի ունեցող անարդարությունների, շարաշահումների, կողոպու-

տի. Բռնաբարության, սպանությունների և ընդհանրապես հայերի դեմ նախապատ-
րաստվող զանգվածային կոտորածի մասին:

⁴ Նկատի ունի սուլթան Արդաւ Համիդ Զ-րդին (1842—1918):

⁵ Տվյալ ժամանակ Կ. Պոլսո պատրիարքն էր Զաւեն Արք. Տ. Եղիայանը:

⁶ Խոսքը վերաբերում է 1908 թ. հունիսի 24-ին երիտթուրքների կողմից կյանքի
կոչված սահմանադրությանը:

⁷ Պառլամենտ:

⁸ Նկատի ունի Առաջին Համաշխարհային պատերազմը:

⁹ Նկատի ունի հայաբնակ նահանգները:

¹⁰ Նկատի ունի 1894—96 թթ. Սասունի և հայաբնակ այլ վայրերի կոտորած-
ները, ինչպես նաև 1909 թ. Ադանայի հայության հայտնի կոտորածը:

¹¹ Ըստ կատարված սրբազրույթյան նկատի ունի ոստիկաններին:

¹² Թուրքիայի եվրոպական մասի տիրույթների ընդհանուր անվանումը:

¹³ Բնագրում գրված է չեմիեթ (cemiyet)՝, որը կարելի է թարգմանել նաև
կոմիտե:

¹⁴ Այստեղ բնագրում կան անընթեռնելի բառեր. որոնք հնարավոր չեղավ վեր-
ծանել:

¹⁵ Սովորաբար նման պաշտոնական գրությունները ավարտվում են հետևյալ
ընդունված ձևով. «Այս հարցում կամքն ու հրամանը նորին վսեմություն սուլթա-
նին է»: